

83

MEMORIAE
NOBILISSIMAE ac SANCTISSIMAE
MATRONAE,

CATHARINAE,

nat. LICHTFUSSIAE,

MAGNIFICI, NOBILISSIMI ac CONSULTISSIMI
DOMINI,

SALOMONIS
LÜTTKII,

viv is ayois,

PRAECONSULIS OLIM IN HAC CIVITATE
REG. THORUN. GRAVISSIMI,
RELICTAE VIDUAE

d. I. SEPTEMB. ANNO MDCCCX.

BEATA MORTE SOPITAE,

SACRUM ESSE, FILIOSQUE LUGENTES ac COGNATOS
RELIQUOS SOLARI VOLUERUNT,

RECTOR, PROFESS. ac VISITAT.
GYMN. THOR.



THORUNII,

Impressit JOANNES NICOLAI, NOB. SENATUS ET GYMNASII TYPOGR.

t/
et

M. P. J. J. J. J. J.



Alacrymas iterum, Cives, tristesq; querelas,
Quare iterum? Cum sint continua lacrima.

Quisque dies renovat luctus, est quisque ne-
fastus,

Accumulata nimis funera quemque no-
Prima dies alias Septembris Fausta putatur, (tant,
Quod Sancto in fastis est sacer Ægidio.
Is fuit, ut memorant, magna pietate decorus,
Tellure inclusus, nam domus, alta specus.
Heic miseram vitam toleravit lacte canino,
Quod tamen immitem reddidit haud animum.
Maximus eiusdem post velificatus honori est
Rex, quando illum aras iussit adire sacras.
Ægidio sit fausta dies, si fausta, quod illa.
Defunctus subiit tecta beata Poli.
Ast infausta dies, nati, ceu credo, dolentes,
Nam matrem Vobis abstulit illa piam.
O quam sollicitè vestram curare salutem
Annisa est, voti finis uterque fuit,
Ferreus ille foret, talem qui flere vetaret,
Qua nihil in vita dulcius esse potest.
Attramen angores animi deponite inanes,
Nam sanctus matrem iussit abire Deus.
Hic suscepit eam, quo cum coniuncta manebat,
Invocat in vestra hic commoda quaeque Deum.
Quamvis velletis fatis hanc deflere peremptam,
Ipsa tamen meritis exuperat lacrymas.

*Mœstissimo filiorum pari matrem optimam lugenti
adesse his voluit*

M. P. Jaenichius R.

*Ad Bigam Filiorum superstitum Nobilissimam Dn. Matrem
inopina & præmatura morte exceptam
acerbissime lugentium.*

Quo, Mater generosa suo plus fovit amore
Vos, quærens vestras utilitatis opes:
Hoc votis Ejus mors mœstior esse putatur,
Accumulat planctum, tristitiamque parit.
Et quis profundas lacrymas gemitusque vetaret
Natis, dum Matris funera mœsta gemunt.
Ludtkia pauperibus Matrem se præbuit almam
Hæc inimica malis, hæc & amica bonis.
Quid memorem vitam sancta virtute coruscantem?
Quid mores alios cum pietate graves,
Fastum contempsit mundi, ludibria risit,
Et voluit tantum posse placere DEO.
Vestra salus, mandante DEO, pendeat ab uno hoc
Filo, quo rupto, quis neget esse necem?
Vos mater studiis morum formavit ab annis,
Primis, consilio finxerat atque pio.
Optimus ille Parens subita cum morte recessit,
Proconsul justus, candidus atque probus,
In se suscepit curam, *Lectissima Mater,*
Vos educendi, quæ quoque laude viret.
Natu majorem cum transmisisset *Apollo*
Lipsiacus, Matri est læta creata dies.
Nam non in tricis vel inanibus otia nugis
Transegit, Themidos verus alumnus erat.
Præsidium firmum sibi Jure paravit Utroque,
Vera cui probitas religioque sedet.
Ut (si livor abest) quam plurima commoda possit
Natali largè ferre, referre, solo.
Alter decurrit studiorum tramite recto
Dimensum stadium, desidiâque fugit.
Sed quis jam fulcro vos sustentabit honesto,
Dum matrem raram trux *Libitina* rapit?
Ipse DEUS faciet. Vos huic committite curam,
Et porro studiis invigilate probis.
Is lacrymas oculis vestris absterget, & olim
Post pluvias densas *Phœbus* amœnus erit.

*Mœstissimo calamo
app.*

M. Martinus Böhm.

Necdum definimus lacrimis communibus ire
Exequias, justo sicque iubente DEO.
Mors quoniam nondum cessat sævire per urbem,
Tabificâque domos contaminare lue.

Funera nec tantum lugent plebeja penates;

Ast etiam interdum funera magna gemunt,

Namque hominum servile genus non plectitur unum,

Ast hera cum famulis ac herus ipse cadit.

A famulis sæpe ad Dominos contagia serpunt,

Inficiunt illos, sed prius hosce necant.

Lædere vicinos Phyci contagia dicunt;

Non dicunt, solis quâ ratione nocent.

Lytkia dividuam sicut viduam decet, egit

Vitam, ridiculos nescia ferre jocos.

Tam cautè versata tamen contagia sensit,

Quæ latissimè agunt, atque remota nocent.

Hæc, quoties poterat, templum devota petebat,

Auditura DEI verba salutifera;

Numen & iratum complacatura precando

Devotè, & vitam sponte trahendo piam.

Attamen hac pietate nequivit flectere parcas,

Parcere quæ jamjam dedidicere piis.

Quapropter Patris placidas cœlestis in ulnas

Commendans animam, corpus humare jubet,

Jamque beata DEO devoto supplicat ore.

Nati ut felices sint & in orbe diu.

Idipsum etiam

Superstitibus atque moestis simis

Filiis duobus

apprecatur

M. Martinus Bertleffius P. P.